

دار الفنون

حقوق فائز و لیتبر محمد علی

مقوق ، اقتصادیات

ایکی آمدہ بر نثر اولنور

مندرجات

قسم مقوق :

رهن مقابلندہ اقراض ایله مشغول اولانلر	حاجی عادل
قضای اداری ، شارل قروقات	(مترجمی) مصطفی حامد
یکی تورکیا حقوق مدنیہ سی تدقیقاتنه مدخل صاوزه رھال (مترجمی) دانش سعید ، صدیق سامی	صدیق سامی
انتفاع حق	عبدالله وہبی
صوچک و صوچلونک تعددی	احمد اسعد
یکی قانون مدنی حقندہ مسلکدا اشلردن بر رجا	

قسم اقتصادی :

استقراض و دیون عمومیہ	عینی زاده حسن تحسین
-----------------------	---------------------



استانبول — یکی مطبعہ

۱۹۲۷

یکی قانون مدنی حقنده

مسلكداشلردن بر رجا

یکی قانونی مدنی اطرافنده تجلی ایدن فعالیت فکریه بی کمال شکرانه کورمه مک ممکن اولماز . آنجاق غرب منابعک کثرتی بوساحه ده کی مساعی بی بروجیه سوق امکانی تماماً سلب ایتمکده در . اثرک برنده درمیان اولونان مطالعه ویا نظریه دیگر اثرله تأیید ایدیور . هریازی باشلی باشنه بر نقطه نظرک مدافعیدر . بوهر مؤلفک اک طبیعی برحق اولدوغی جهته بو بایده تنقیدانده بولونمق اویله ظن ایدیورم که پک حقسز بر حرکت اولور . فقط غرب منابعدن استفاده ایدمه یه مسلكداشلرک احتیاجک بویله متفرق و مباین یازیلرله تطمین ایدیله جکنه قانع اولمق ده صافدللک در . عریجه یه وقوفی اولمایانلر ایچون فقه ، دائماً اهاملر آرمسده قالمش بر تلقی اولمشدی . یکی قانونلر مزک ماوراسنده ده بویله الیم بر بوشلق حصولنه میدان ویرمکدن پک قورقورم . بو سبیدن غربک حقوق حرثنه مالک ولسان آشنا مسلكداشلره مساعیلری توحید ایدهرک هرتورلو احتیاج تبعی تطمین ایدهرک بر اثر وجوده کتیرمک خصوصنی تکلیف ایدیورم . توحید مساعی ایلهرک ذوات موافقت بویورورلرسه بو تدقیقاته کمال شکرانه بنده اشتراک ایدهرم . ایشته بوسورتله بو ملی و مسلكی مساعی یه افکار عمومی موآجهه سنده نامزدلکمیده وضع ایتش اولدم .

مشترک مساعینک مفید اولابیلرسی ایچون اولایازیلایق اثرک بالعموم تفرعاتی جامع برپلائی احضار ایتک ؛ ثانیاً منابعمزی کمال اعتنا ایله تثبیت ایلک ایجاب ایدهر . مساعینک غایت آغیر اولدوغی و لااقل اون سنده اکال ایدیله جکنی شیمیدین تسلیم ایتلی ز . بو مدت ظرفنده اکال اولونان جلدلر پیدرپی نشر اولونور . اک مشکل قسملر بالطبع تأخر ایدهر . بن تنقید عمومی یه معروض قالمسی و موضوع انکشاف ایتدکجه نواقصک بو صورتله اکالنه وسیله احضاری ایچون شوپلانی انظار عمومی عرض ایدیورم : فکرجه اثر باشلی باشنه اوچ مهم قسمه آیریلایق قدر : ۱ - مدخل . ۲ - نظریات . ۳ - قانون مدنی

و بورجلر قانونی . اترك اَك مشكل وَاك مهم قسمی مدخل تشكیلی ایدیه جكدرد . مدخلی
اوجه تفریق ضرورتندیز :

۱ -- روما حقوقی ، ژهرمن حقوقی ، آلمان حقوقی .

بو طبیعی و تاریخی منظومه در . چونکه روما حقوقی ژهرمن اقوامنده کندیسینه
مساعده بر زمین انکشاف بولس و آلمان قانون مدیسی ایله عصرلرک مساعیسی بر آبد
علمیه شکنده تجلی ایلشدر . بالطبع روما حقوقی لانتجه متلردن استخراج ایدیه جك درجه ده
تعمیق ایتکه لزوم یوقدر . حتی حقوق حاضره ایله پك ده مناسبتدار اولمایان مثلا عائله
ومیراث بخلربی خلاصه و وجائب قسمی ایسه تفصیلاً تثبیت ایجاب ایدیه . بومساعی ایچون
ژرار ، غاستون مهی ، هه رذن کیی مؤلفلرک فرانسرجه یازدقلری اثرلربی و (یه رنیغ) ك
فرانسرجه به مترجم روما حقوقك روحی نام تألیفی تدقیق بلدکه کافی کلیر . مع هذا
آلمانجه ده ، اها وجیز اثرلر موجود ایسه اونلردن ده استفاده نمکندر .

بو تعمیقاندن صوکرآ ژهرمن حقوقك آلمان قانونی ایله روما حقوقی آرهنده
اتصال وظیفه سی کورهن اقسامی بویوك بردقت واعتنا ایله تفریق ایتك ایجاب
ایدیه . بوخصوصده مؤلف Roguin ك تبعلری پك قیمتلی در . كذلك (یه رنیغ) ك
Etudes complementaires de l'esprit du droit romain عنوان عمومیس تحتنده اشر
اولونان و معین موضوعلری تشریح ایدیه تبعاتی بزله ایچون چوق شایان استفاده
اولاچقدر . آنجا بونلرک کفایتی حقنده چوق مترددم . آلمانجه به واقف رفقا بوبابده اها
صلاحیتله اداره کلام ایدیه بیلیرلر .

روما حقوقك بوصورتله سیر تکاملنی تثبیت ایتدکن صوکرآ آلمان قانون مدیسنك
اساسلرینه کیره بیلیرز . بونك ایچون مؤلف (ساله ی) ك وجیز و مفید برایکی تبعی
واردرکه وفاندن صوکرآ رفقای مساعیسی طرفندن تکرار کوزدن کچیریلرک طبع
ایدیلشدر . بوندن ماعدا آلمان قانون مدیسنك فرانسه حکومتی طرفندن صلاحیتدار
بر هیئت علمیه واسطه سیله ترجمه و شرح ایتدیرلش درت بویوك جلدك نسخه سی ده
کتبخانه ده موجوددر . بوتون بو اثرلرک تدقیق بوقسم مساعی ایچون لزوملی در .

مدخلك ایکنجی قسمی فرانسه حقوقی و تکامل اجتهادیسنه حصر ایدیه جكدرد . بوراده
اك بارز برحاله افراغ ایدیه جك نقطه اجتهادات جهتیدر . عصر دیده قانونلره اك یکی روح

اضافه ایدہ بیلیم کی بویوک بر قدرت حقوقیہ فرانسز اجتہاداتندہ کورہ بیلیرز. حقوقہ حیات بخش ایدہن فرانسز اجتہاداتی اولشدر. بو خصوصہ کی منابعمز پک چوقدر. آنجاق بومساعینک اعظمی بویوک بر جلدہ تلخیص ایدیلہ بیلیمسی ایچون تفرعات مساعینک منتظم بر پلانی یا پلیدر.

مدخلک اوچونجی قسمی حقوق اسلامیہ و تکاملنہ عاڈدر. بو خصوصہ کی ملاحظاتی متخصص ذواتک مطالعاتندن صو کرایہ ترک ایدیورم.

شو شرائط دائرہ سندہ میدانہ کلہ جک مدخل مسلکدا شرک حقوق مدنیہ ساحہ سندہ کی تتبع احتیاجی تماماً تطمین ایدہ بیلیر. آنجاق بوتون بومسائلدہ مہما ممکن بر نقطہ نظری تعقیب ایتک و مخالف رأیری هامشردہ تشریح ایتک موضوعک واضح بر شکلدہ انکشافی ایچون پک لزومی در. مملکتمزک خصوصیت حالی، وضعیت اقتصادیسی تأمل ایدیلہ رک اثرلہ حاکم اولمسی ایجاب ایدہن نقطہ نظر بالطبع بالذا کرہ قرارلاشدیریلہ بیلیر. بو مذاکراتک مجموعہ لر واسطہ سیلہ نشری مسلکداش محیطندہ مفید وارشادکار تنقیدلہ میدان ویرہ بیلہ جکندن نتیجہ مساعینک داها متمر بر حالہ افراغی تأمین ایدہر.

اثرک نظریات قسمنہ کلنجہ، بورادہ حقوقک قوانین مرعیہ دن مجراد اولارق تدقیق لازم کلیر. تعبیر آخرلہ حقوقک بوتون اساسلری درین بر تحلیلہ تابع طو تلیدر. بو واسع موضوعک تحریری ایچون مؤلف Roguin ک ۱۹۲۳ سنہ سندہ طبع اولونان اوچ بویوک جلدلک La science juridique pure نام اثری اک صوک مخلصات علمیہ دن اولمق اعتباریلہ شایان ترجیحدر. وفکر مجہ یالکز بواثرک اکتفا ایدیلہ بیلیر. فقط آرزو ایدی لیرسہ (یہ رینغ) ک حقوقدہ غایہ، اخلاق، تصرفدہ ارادہ نک موقعی، خطا، استحصالی حقوق ایچون مجادلہ وسائرہ کیبی عنوانلر تحتندہ نشر ایتدیکی و ہربری معین بر موضوعک فلسفی و حقوقی تحلیلہ احتوا ایدہن اثرلہ (نہدہ مون بیقار) ک Le droit pure نامندہ کی کوچوک اثری دہ نظریات قسمنک فصول متعلقہ سنہ درج وادخال ایدیلہ بیلیر.

بوندن صو کرا قانون مدینک تقسیماتنہ رعایت ایدہ رک حقیقی و حکمی اشخاص، عائلہ، میراث، اعیان و وجائب بحثلرینی آیری آیری ومفصلاً تشریحہ تابع طو تلیری. شونی دہ علاوہ ایدہیم کہ نشریاتہ باشلامق ایچون اثرک اکالئہ انتظار، احتیاج عاجلی تقدیر ایتہمک دیمکدر. بوسیدن اکال ایدیلن قسملر بالطبع پیدرپی نشر اولنور. فقط

بونك ده محذوری شیعدیدن قبول ایتملی بز. چونکه عینی موضوعك مختلف یرلرده تشریحی ضروریدر. اترك تمامی الیه موجود اولمادیغی جهتله موضوعله یقیندن رابطه دار اولان مسائلك تعلق ایتمدیگی بحثه کوندرمکه امکان قالماز. بونواقص اترك ایکنجی طبعنده اکمال ایدیه بیلیر.

بومساعتیک آغیرلغی و مشکلاتی تماماً مدرکم. فقط برتورک حقوقی دوغایامک ایچون باشقه چاره یوقدر. غریبک کتبخانه لردولوسی اثارینی لسانمزه نقل ایتمک ماده امکانسز برشیدر. بومساعی جدی برماهیت اکتساب ایدهرسه حکومتعزکده معاونتی کمال امنیت واطمئانه طلب ایدهبیلیرز.

اهمیر اسمیر

برنجی تجارت محکمه سی رئیس

